

Na osnovu člana 8. i 13. Zakona o principima lokalne samouprave u Federaciji BiH („Službene novine FBiH“, broj: 46/08 i 51/09), člana 16. i 17. Zakona o poticaju razvoja male privrede („Službene novine Kantona Sarajevo“, br. 29/15) i člana 55., tačka 2. Statuta Općine Ilijaš – prečišćeni tekst („Službene novine Kantona Sarajevo“, broj: 20/09 i 46/18), Općinsko vijeće, na 40. sjednici, održanoj dana \_\_\_\_\_. godine, **d o n o s i**:

## **O D L U K U**

### **o podsticaju privrednim subjektima na području općine Ilijaš kroz regresiranje kamatne stope**

#### **Član 1.**

Ovom Odlukom se uređuje način i postupak odabira banke za plasman podsticajnih sredstava privrednim subjektima kroz regresiranje kamatne stope (u daljem tekstu: "podsticaj"), način provedbe, korisnici podsticaja, finansijski okvir, te druga pitanja u vezi sa ostvarenje prava na podsticaj.

Podsticajem u smislu ove Odluke se smatra učešće Općine Ilijaš uplatom sredstava u ime i za račun korisnika podsticaja iz namjenskih sredstava, u svrhu regresiranja kamatne stope po ugovoru o kreditiranju.

#### **Član 2.**

Ukupna sredstva za podsticaj u 2020. godini iznose 50.000,00 KM (pedeset hiljada KM), a u naredne dvije godine minimalno 100.000,00 KM i ista se osiguravaju kroz Budžet Općine Ilijaš.

#### **Član 3.**

Cilj podsticaja iz ove Odluke je podrška privrednim subjektima radi povećanja privrednih aktivnosti na području općine Ilijaš, a posebno radi povećanja investicija i zaposlenosti.

#### **Član 4.**

Korisnici poticaja mogu biti proizvodno orijentisani privredni subjekti (privredna društva i samostalni preduzetnici), a koji imaju registrovano sjedište ili poslovnu jedinicu/podružnicu na području općine Ilijaš.

#### **Član 5.**

Općinski načelnik će u roku od 30 dana od dana stupanja na snagu ove Odluke donijeti Pravilnik na prijedlog Službe za privredu i finansije, kojim se detaljnije propisuju uslovi, kriteriji i način provedbe ove Odluke.

#### **Član 6.**

Provedba podsticaja će se realizirati raspisivanjem javnog poziva za odabir banke.

Komisija imenovana od strane Općinskog načelnika će pripremiti tekst javnog poziva i prijedlog ugovora sa odabranom bankom u skladu sa Pravilnikom iz člana 5. ove Odluke.

Općinski načelnik će po okončanju procedure odabira banke sklopiti ugovor sa istom.

**Član 7.**

Odabrana banka će raspisati javni poziv za dodjelu podsticaja.

Podsticaj se ne može koristiti za prebijanje ranije preuzetih kreditnih obaveza privrednih subjekata u bankama i drugim finansijskim institucijama.

Poziv prema privrednim subjektima/potencijalnim korisnicima se javno oglašava, objavljuje putem web stranice Općine i banke, te oglasne table Općine. Informacija o objavljenom javnom pozivu se prezentira i putem letaka, koje će kreirati i distribuirati banka.

**Član 8.**

Obaveze odabrane banke su:

- procedure odabira korisnika podsticaja,
- pribavljanje dokaza o ispunjenosti uslova za dodjelu podsticaja u skladu sa propisima sistema državne pomoći u Bosni i Hercegovini (pomoć male vrijednosti, de minimis" izjava),
- pribavljanje saglasnosti od strane Općinskog načelnika za plasman kredita,
- plasman kredita i monitoring realizacije
- periodično izvještavanje o zajedničkoj kreditnoj liniji i korisnicima podsticaja

**Član 9.**

Ova Odluka stupa na snagu danom objavljivanja u "Službenim novinama Kantona Sarajevo".

Broj: \_\_\_\_\_

Ilijaš; \_\_\_\_\_

**PREDSJEDAVAJUĆA**

Općinskog vijeća Ilijaš

Alma Omerović, MA nov.

## **O b r a z l o ž e n j e**

Pravni osnov za donošenje "Odluke o podsticaju privrednim subjektima na području općine Ilijaš kroz regresiranje kamatne stope" su član 13. i 18. Zakona o principima lokalne samouprave u Federaciji BiH („Službene novine F BiH“, broj: 46/08 i 51/09), kojim su precizirane nadležnosti općinskih, odnosno gradskih vijeća unutar jedinica lokalnih samouprava u Federaciji BiH, te član 16. i 17. Zakona o poticaju razvoja male privrede ("Službene novine Kantona Sarajevo", br. 29/15) i član 55., tačka 2. Statuta Općine Ilijaš – prečišćeni tekst ("Službene novine Kantona Sarajevo", broj: 20/09 i 46/18)

Ovom Odlukom se uređuje postupak za ostvarivanje prava na podsticaj privrednim subjektima kroz regresiranje kamatne stope sa ciljem podrške privrednim subjektima radi povećanja privrednih aktivnosti na području općine Ilijaš, a posebno radi povećanja investicija, zaposlenosti i izvoza. Općina Ilijaš kao proaktivna lokalna zajednica ovom Odlukom podstiče dinamiku razvoja lokalne privrede u skladu sa razvojnim prioritetima i ciljevima utvrđenim Strategijom održivog lokalnog razvoja općine Ilijaš za period 2018-2022.

U skladu sa iznesenim podnosim prijedlog Odluke o podsticaju privrednim subjektima na području općine Ilijaš kroz regresiranje kamatne stope, te predlažem Općinskom vijeću Ilijaš da istu usvoji.

### **P R E D L A G A Ć:**

**OPĆINSKI NAČELNIK**

Akif Fazlić, dipl.oec